





類說卷第三十七上

酉陽雜俎

賜侍臣

三月三日賜侍臣細柳圈帶之免蠶毒寒食賜侍臣帖綵毬繡  
草宣臺立春賜絲花樹臘日賜北門學士口脂臘脂盛以碧綾  
牙笏

蝸迹成天子

睿宗為冀王日壁間蝸迹成天子後卽位彫玉鑄金為蝸形置  
道釋像前



女媧墳

肅公至震武黃昏有婦人携鯉手臂皆麟甲詣軍門曰皇帝安在衆叱之卽不見後魏州奏女媧墳夜聞風雨穀曉見其墳湧出上生雙柳樹衆疑向婦人其被也

胎髮筆

南朝有姚善作筆筆心用胎髮開元中筆匠名錢頭能營營如

玉

右足寫經

大曆中東都天津橋有乞兒無兩手以右足夾筆寫經乞錢

辟惡散却邪丸

梁武每歲旦賜群臣歲旦酒辟惡散却邪丸三種

婚禮

近日婚禮當迎婦以栗頃田以席覆井以象塞窓婦上車婿騎而遶之匣婦人門先拜竈成禮之明日作黍世俗相傳莫究其義惟納采九物義乃可見膠漆取其固綿絮取其調柔蒲葦爲心可屈可伸也嘉禾分福也雙石義在兩固也

秦漢以來稱呼

秦漢以來天子言陞下太子言殿下將言麾下使者言節下二



千石言閣下父母言膝下通類相言足下

吳剛伐樹

月桂高五百丈下有一人常斫之樹創隨合人姓吳名剛學仙有過責令伐樹

月中影

釋氏書言須彌山南有閣扶樹月過樹影入月中或言月中蟾桂地影也空處水影也此語差近

太史奏不見北斗

僧一行長於數所善王生吳字以殺人繫獄求救於一行一行

曰吾以難推之當有救矣翊日遺其徒授以布囊戒令往其處廢園伺之有物來數七共捕之以囊携來勿脫也其徒如言而來果有七豕入園盡殺之一行置太甕中密覆封以六一泥味書梵字誥朝明皇急召問曰太史奏昨無北斗此何祥也一行奏曰比古所無唯後魏時失熒惑亦其比也惟施惠可以應之釋氏云瞋心懷一切善慈心降一切魔莫若大赦天下上從之其夕太史奏北斗一星見凡七日而復

金背蝦蟇

長慶中有人中秋夜見月光屬屬於林中如足布視之一金背



蝦蟇疑是月中者

七寶合成

大和中有二人遊嵩山迷路覺叢中鼾睡聲見一布衣枕楮物  
二人問之答曰君知有月七寶合成乎月勢如圓其影日爍其  
凹處也常有八萬二千戶修之子即一數因開牒有斤鑿數事  
玉屑飯兩棗分食二人曰此雖不是長生可一生矣疾言已不  
見

廷賓宮主

佛為三十三天仙廷賓宮主孔子為元宮仙莊周為太極真仙

闌編即

守庚申

魂以精為根魄以目為戶庚申日伏尸言人過本命日天曹計  
人行三尸一日三朝上尸青姑伐人眼中尸白姑伐人五臟下  
尸血姑伐人胃命又曰一居人頭中令人多思欲好車馬一居  
人腹令人好食飲恚怒一居人足令人好色喜殺七守庚申三  
尸滅三守庚申三尸伏

老君

老君母曰玄妙玉女天降玄黃氣入口而孕凝被瓊胎宮三十



千七百年誕於爵寒山之河又曰老君在胎八十一年剖左腋而生生而白頭又日日精入口而孕七十二年而生陳國渦水之湯九井西李下形長九尺或曰二丈九尺

### 龍宮仙方

孫思邈隱於南山與宣律師相接時大旱兩域僧請於昆明池結壇祈雨七日縮水數尺有老人夜詣宣律求救曰弟子昆明池龍也胡僧利吾腦欺天子言祈雨命在旦夕宣律曰貧道持律而已可求孫先生老人至思邈室孫曰昆明龍宮有仙方三十首尔傳予當救汝老人曰此方上帝不許妄傳今急矣固無

所吝俄捧方而至孫曰汝第還無慮胡僧也自是池水漲溢胡僧羞恚而死孫著千金方三十卷入一方人不得曉明皇幸蜀夢思邈乞雄黃乃命中使賞千斤選俄眉頂上中使上山見老人幅中被褐二青衣童來侍白有表錄上皇帝中使視石上朱書百餘字遂錄之隨寫隨滅須臾白氣漫起因忽不見

### 三世人血塗鶴瘡

裴沉從伯將往鄭州道左右人叫吟乃一病鶴翅開瘡壞無毛忽有老人曰即君衰此鶴耶若得人血一塗即飛矣然須三世是人其血方中唯洛陽胡蘆生三世人矣裴乃訪胡蘆生生授



針刺臂復至鶴慶老人令尽塗之復

至一

渴甚求

老人指玉龕中有杏核一扇如笠滿中有痕力舉飲之味如杏

酪且云君飲杏漿當哭九族親情且以酒色為戒裴壽至七

十九

上清戊申錄

明經業貞元中夢朱衣平幘者引至冥司見妹夫買變與已爭

殺牛事相與辨對變固執之忽有巨鏡徑丈虛懸空宛然變鼓

刀趙有不忍之色奕始伏罪朱衣者引出曰能上清乎共登

一山南院中有絳冠人與朱衣人坐聽事命先過戊申錄如人

間詞狀首冠人生辰次言姓名年記下註生月日別竹橫布六

旬甲子所有功過日下具之如無即書無事朱衣人言每六十

年天下人一過考校善惡增損具也

腦骨厚一寸八分

王皎善術數天寶中夜指星月日時欲亂矣時上春秋高頗備

忌其語為人所奏上令殺之刑者破其腦腦骨厚一寸八分及

安史平皎忽杖履見韋美侍郎方知異人也

八人乃火字

翟乾祐天師常預言事一日大呼於夔州市曰今夕當有八人



過可善待之是夕遺火焚數百家方悟八人乃火字

### 瓊樓金闕

翟天師嘗於江上望月或曰此中竟何有翟笑曰可隨吾指觀之忽見月規半天瓊樓金闕滿焉頃刻間不復見

### 紙月

長慶初楊隱之訪唐居士留宿唐呼其女曰可將下弦月子來其女一片紙作月形貼之壁問曰今夕有客願賜光明須臾滿室明朗

### 水鑽穿盤石

傳先生在山修行遇異人授之水鑽使穿一盤石石厚五寸許云此石穿當得道積四十九年石乃穿下得神丹服之果仙去

### 挽鏡寒鷗集

常表微堂无少微好劉清其季父令解衣視之背上刺一樹樹杪集鳥數千其下懸鏡鼻繫索有人止其側牽之叔問其故少微曰叔不曾讀張燕公詩挽鏡寒鷗集耶

### 白舍人行詩圖

荆州街子葛清自頰以下遍刺自居易詩不是此花偏愛菊則有一人持杯臨菊叢又黃夾紉林寒有葉則一樹上掛纈凡刻



三千餘處人呼為白舍人行詩圖

餛飩

今衣冠家名食有蕭家餛飩漉去湯可以茗

櫻桃餠饊

韓約能作櫻桃餠饊其色不變

天漿

石榴甜者謂之天漿

五月上屋

俗諺五月上屋言五月人說上屋見影魂當去

辱金

金曾經在丘塚及為釧澠器陶隱居謂之辱金不可合煉

飲酒面青赤

飲酒者肝氣微則面青心氣微則面赤

勇怒

脉勇怒而面青氣勇怒而面白血勇怒而面赤

山澤等氣

山氣多男澤氣多女水氣多暗風氣多聾水氣多偃石氣多力

儉氣暑氣多雲氣多壽俗氣多痺丘氣多尪術氣多仁陵



氣多貪腦裊曰覺元 裊曰玄華目裊曰虛監鼻裊曰冲龍舌  
裊曰妬梁

鳴天鼓

學道須鳴天鼓以召衆裊左相印為天鍾右相印為天磬中央  
上下相叩名天鼓

北向理髮

凡人不可理髮脫衣及大小便

衿灰傳盥

孝子衿灰傳盥

人髮掛果樹

生人髮掛果樹鳥為不敢食其實爪兩鼻兩蒂食之殺人

小兒夜啼

井口邊草主小兒夜啼著母卧薦下勿令知之

相人影

寶曆中有王山人取人本命日五更張燈相人影知休咎言人  
影欲深深則貴而壽影不欲照水照井及浴盆中古人避影亦  
為此近有善炙人影治病者

天藏地藏



佛畫中有天藏菩薩地藏菩薩近明諦視之采爍目若放光

西京雜記

庾信作詩用西京雜記事旋自追改曰此吳均語恐不足用

屠馬避火

徐敬業年十餘歲善騎射英公每嘆曰此兒相不善將赤吾族  
公嘗獵命敬業入林赶獸因乘風縱火意欲殺之敬業見火逼  
屠所乘馬腹踰伏其中火過浴血而立英公大奇之

寧王讀藥譜

玄宗嘗伺察諸王寧王夏中揮汗鞞鼓所讀書乃龜茲藥譜也

上喜曰天子兄弟當極醉樂耳

賊僧劫莫氏鑲櫃中

寧王獵于鄠縣界林中一櫃高鏽甚固發之乃少女也女云姓

莫氏莊居昨夜遇光火賊賊中二僧劫其至此始能橫生王悅

之載以後乘時方生獲一熊乃置櫃中如舊鑲之上方求極色

表上莫氏充才人經三日京兆奏鄠縣有二僧昇一櫃入店中

夜久膈膊有聲日出不啓門撤戶視之有熊能衝人走出二僧已

死骸骨悉露上大笑曰寧哥大能處置此僧也

墓中對墓



有盜發蜀先生墓見兩人張燈對墓盜驚惧一人顧曰你飲乎  
乃各一杯兼與玉帶數條命速出盜至外口已漆矣帶乃巨蛇  
也

### 妬婦津

臨濟有妬婦津相傳晉太始中劉伯玉妻段明光性妬忌伯玉  
嘗誦洛神賦曰娶婦如此吾無憾焉明光其夜自沉而死記夢  
伯玉曰吾今得為褻也伯玉終身不復渡水有婦人渡者皆壞  
衣粧然後敢濟不尔風波暴發醜婦雖粧飾褻亦不妬醜婦諱  
之皆自毀形容以塞嗤笑齊人語曰欲求好婦立在津口婦立

### 津旁婦好醜自彰

### 長鬚國

太和初有士人隨新羅使風至一處人皆長鬚號長鬚國拜士  
人為附馬其主甚美有鬚數十根其王月滿夜大會士人見姬  
嬪悉有鬚因賦詩曰花無葉不妍女無鬚亦醜大人試遣惣無  
未必不如檢有王笑曰駙馬竟未能忘情於小女願額問乎十  
餘年士人有一兒二女王忽泣曰吾國有難非駙馬不能救乃  
具舟令兩使隨士人曰煩一謁海龍王但言東海第三波第七  
島長鬚國有難求救登舟暖見至岸岸沙皆七寶龍宮狀如佛



寺龍王詢其來意士人具說龍王即令速勘良久一人白日境內並無此國王叱令細尋勘俄報曰此島蝦合供大王此月食料王曰客固為蝦所魅耳乃令救蝦令二使送客歸中國一夕至登州回顧二使乃巨龍也

久戍人偏老長征馬不肥

郭令公山居夜有人面如盤暎目燈下公了不惧題其頰曰久戍人偏老長征馬不肥公之驚句曰後數日見巨木上有白耳大如數斗所題句在焉

夜叉竊村人女

汝州村人夜失其女在古塔中見美夫夫曰我天人合得汝為妻日兩返下取食經年女竊窺之見其騰空如飛髮藍膚耳如驢至地乃復人笑其物返曰尔固窺我我實野人與尔有緣終不害尔其塔去人居止甚近女曰向見君街中有敬之者有戲狎之者何也物笑曰世有食牛肉者予得而欺之又經年泣日與汝緣盡可去矣俄頃已至其家

舞袖孑腰

元和初有士人醉卧見屏上婦人於牀前踏歌曰長安女兒踏春陽無處春陽不断腸舞袖孑腰渾忘却蛾眉空帶九秋霜其



中問曰如何是了腰歌者乃首髻及地腰勢如規士人叱之上  
屏

狐戴髑髏

舊說野狐名紫狐夜繫尾火出將為怪必戴髑髏拜北斗則化  
為人

齊后

蟬化齊后鳥生杜宇椰子為越王頭壺樓為杜宇

芝草吉凶

屋柱木無故生芝者白為喪赤為血墨為賊黃為喜形如人面

者已財如牛馬者遠徙如龜蛇者田蚕耗

鴝鵒

鴝鵒取其目睛和人乳研滴眼中能見烟霄外事

象膽

象膽隨四時在四腿春在前左夏在前右如龜無定体也

虎鬚治齒痛

虎交而月暈仙人鄭思遠常騎虎故人許隱齒痛求治鄭曰虎  
鬚及焚掉齒間即愈即拔數莖與之

狼狽



狼狽是兩物俱前足絕短每行常駕兩狼失狼則不動能故世  
言事乖者稱狼狽

論猫

猫目睛旦暮圓及午豎歛如線鼻端常冷唯夏至日煖俗言猫  
洗面過耳則客至猫一名蒙貴一名烏負有花者靈武有紅叱  
撥及青驄者

兒齧

兒齧上服有喜凡齧欲得有盖無盖即凶

蛤蜊

蛤蜊候風雨能以殼為翅飛

樟木缸

樟木江東人多取為缸缸有與蛟龍聞者

柿七絕

柿有七絕一壽二多陰三無鳥巢四無虫五霜葉可書六嘉實  
七落葉肥大

簷蔔花

諸花唯梔子六出即西域簷蔔花也

牡丹



牡丹前史無說唯謝康樂集中言竹間水際多牡丹開元末裴  
士淹奉使至汾州衆香寺得白牡丹一窠植於私第當時名公  
有詩云長安年少惜春殘爭認慈恩紫牡丹別無盤玉乘露冷無  
人起就月中看元和初猶少今與戎葵角多少矣

茄子

茄子一名落落蘇又名崑崙瓜沈約行國詩云紫茄紛爛熳綠  
芋鬱參差嶺南多茄有宿根成樹花特取葉布路人踐之則實  
多名嫁茄子

萼龜

李衛公言萼根美之絕美江東謂之萼龜

葵伏戊巳

鵲巢皆太歲葵伏戊巳虎奮衝破乾鵲知來醒醒知往

寶苗

山上有葱下必有銀有薤下必有金有江下必有銅錫山上有  
玉耆木旁枝下垂謂之寶苗

鶻止兩子

世傳鶻止兩子若生三子則一為鶻

蝦姑



蝦姑狀如蜈蚣食蝦

虎威

虎脇兩旁皮下及尾下有骨名虎威宜佩以臨陣

王香木  
明駝

世傳明駝千里脚謂駝卧屈足腹不著地而漏明最能遠行

水栗

武陵記兩角白菱三角四角曰菱通謂之水栗

賣驢辨喪

開元中長安民喪父乘驢入市欲易之以辨驢忽作人語我姓

白名元通負君家力已足惟欠錢四千五百足可於某處某家  
易之如其言而往果如其數日往問之驢已死矣

食草木

食草者多力而愚食肉者多勇而悍齧吞者八竅而卵生咀嚼  
者九竅而胎生食葉者有絲食土者不息食而不飲者蚕飲而  
不食者蟬不飲不食者蜉蝣

虱卜

嶺南人有病以虱卜之向身為吉背身為凶

齒為妨物



元退處士年踰七十口食無菑咀嚼愈壯常曰今方知菑為妨物

竹平安

李衛公言北都惟重子寺有竹一窠總長數尺公令其寺綱維每日報竹平安

移牒取槐葉

西夏無槐惟夏州有一株它州或要其葉則移牒取之

蟹芒

八月蟹腹有真稻芒長寸許向東輸與海裨未輸芒不可食也

葡萄似生荔枝

庾信謂魏使尉謹曰昔在鄴食葡萄殘羨陳召曰作何狀徐君曰房有類軟棗信曰君殊不体物何不言似生荔枝

橘柚金衣素裹

陳昭曰葡萄何如橘柚信曰津液奇勝芬芳減之尉謹曰金衣素裹見苞作貢向菑自消良應不及

王清本

有人伐枯木見大黑蛇蟠其下舉首曰我王清本也其人畏而掩之後王清者生伐得錢盈甕因而致富



膊瘡如人面

有人膊上生瘡如人面口鼻皆具以酒飲之則面赤以食物與之則膊張因之歷以諸藥試之至具<sub>貝</sub>母則面聚口開而不納日決口灌之數日成痂而愈

上帝二樂裊

王布有女甚美鼻兩孔有息肉甚大百治不差有一梵僧來以少藥塗鼻中須臾摘去繼一少年造門曰適有胡僧來否布具言其事少年嘆曰上帝失二樂裊我奉命來取令遂為此人所先當獲重譴矣

忽雷駭

秦叔寶所乘馬號忽雷駭常飲以酒每日夜設三領羶當前一躍而過

此爭先法爾

一行師本不能基因觀王積薪一局遂與<sub>之</sub>敲手曰此爭先法爾若念貧道四句乘除語則人人盡為国手矣

疥壁

大曆中玄覽禪師任荊州陟此寺張璠常於壁間畫古松符載為贊衛象為賦名士謂之三絕師見曰何為疥吾壁命如壁焉



太陰鍊形人

有人掘地遇一石亟發之有人偃卧白髮被体容色如玉須臾振髮而起即失所在方士云此太陰鍊形人日將滿自出

肉机

明皇時有黃鬴兒頗機慧帝常凭之以行謂之肉机

太白八月

李白聞安祿山反作胡無人詩云太白八月敵可摧後祿山死日果見太白蝕月

虎魄

楓脂入地化為虎魄千歲積水結為頗梨鬼血化為瑪瑙

奇寒

梁遣明少遐宴魏使崔劼劼曰今歲奇寒江淮亦冰

築糠三板

新羅人泛海漂墮鬼国鬼報之曰汝能與我築糠三板乎汝欲鼻之長一丈乎其人請築糠久不成乃為鬼拔其鼻如象

水飲州

朱 境內有一島居民甚衆無井海水時鹹取草木汁飲之號水飲州



蝗虫

世傳蝗食苗由吏貪殘所召身黑頭赤者武官蝗頭黑身赤者

文官蝗

竈馬

竈馬狀如促織穴於竈側俗謂竈有馬者必足食

君王鹽

白鹽崖有鹽如水精身居王鹽

檄攬

檄攬獨根東向枝曰木威南向枝曰檄攬

閑中好詞

成武與數文人作閑中好詞云閑中好尽日松為侶此趣人不

輕風度僧 閑中好塵務不縈心坐對前窓竹看移三面陰

鮓表

梁王琳作鮓表云伏覩除書以臣為慘正將軍油蒸校尉臞州

刺史

駝峰角

將軍曲良翰作駝峰角甚美

婆羅木



西國獻婆羅木狀云隣月中之丹桂對天上之白榆

勝風

明皇令哥舒翰西征常得勝風

瓦松

瓦松在屋曰昔耶在墻曰垣衣

竹林圖

竊采畫竹林圖甚工有柳成秀才曰某欲薄枝入彼畫中書令精  
采殊勝如何乃騰身赴圖橫索不獲食頃出指阮籍曰工止此  
矣衆顧之覺象獨異

韓幹馬通裊

有人牽馬訪馬醫稱患脚馬醫曰大似韓幹所畫者者忽值韓幹  
曰是真吾所設色者至今視所畫脚有一點黑缺如是畫裊矣  
馬醫所獲錢乃成泥也

鳥獸長短

崔劾云鵲巢風雉去惡改乃為鳥之一長狐疑猶豫亦獸之一短

象鏡

今言象鏡者往往謂壁間蛛為鏡見其形規而匾伏子必為子  
所食也西漢春柯黃帝用一象破鏡以象食母故五月五日作



象羹破鏡食父如驅虎眼黃帝欲絕其類故百物皆用之傳玄賦云薦詞破鏡膳用一象

杲恩

士林門多呼殿棟桶護雀網為杲恩誤矣記曰疏屏天子之廟飾鄭注云屏謂之樹今杲恩也刻之為雲氣虫獸如今之闕廣雅云復謂恩之屏劉熙釋名曰杲恩在門外杲復也臣將入請事此復重恩漢文帝東闕杲恩灾在外諸侯之象後杲七國舉兵王莽性好射小数遣使懷涇陵園門杲恩曰使民無復思漢也凡見縉紳數十人皆謬言象獵杲恩事

梁職儀八坐尚書以紫紗裹手板垂白絲如通志曰射尚書手板以紫衣裹之名曰笏梁中世以來唯人坐執笏坐者筆綴頭以紫囊之其餘公卿但執手版陳布烈不便稅笏騎馬以帛裹令左右執之季右坐云便為將來故事

青廬

士大夫家婚禮露帳謂之入帳新婦乘鞍北朝餘風也北方婚禮用青布幔為屋謂之青廬於此交拜以竹杖打壻為戲有至大委頓者



栽植經

栽植經三卷云木有病醋心者

留鬚表丈夫

衡州石室內有僧不剃鬚鬚垂拂履蓋慕留鬚表丈夫也

雍公養生法

雍公云卧欲縮足不欲左脇寢每夕濯足已四十餘年今年六

十九未嘗有病

微姓

微姓凡舉事當忌亥日以火絕在亥微家絕氣日也亦忌戌日

微家之墓日

主夜被咒

主夜被咒持之夜行及寢可却恐怖惡薨咒曰娑珊娑演底

滕王蝶圖

滕王蝶圖有名江夏班大海眼小眼海村裏朱菜花子

熊鼠膽

熊膽春在首夏在腹秋在左足冬在右足鼠膽在頭活取則有

封五嶽

人清晨欲封五嶽七遍謂屈食指等四指運頭指掠之名封五嶽



胡孫無脾

胡孫無脾以行須食積皂中置油餅求不蛀

咒骰子

宋居士說擲骰子法咒云伊帝彌帝彌揭羅帝念滿十萬遍影

彩隨呼而成

平泉花木

衛公平泉庄有黃辛夷紫丁香又有同心葉木芙蓉

柳渾詠牡丹

真元中牡丹已柳渾善言近來無柰牡丹何數十千錢買一窠

今朝始得分明見也共戎葵校幾多

患瘡

踐壞窳土令人患瘡踏雞子殼令人得白癩風

殺蛇

已年不宜殺蛇

三足鳥

天后時有獻三足鳥者左右或言一足偽后笑曰但史冊書之

安察其真偽

挽歌



挽歌起於田橫死從者不敢大哭為歌以寄哀新禮云挽歌出於漢武帝役人勞苦歌聲哀切遂以送終非古制也嚴厚本云挽歌其來久矣左傳云公會吳子伐齊將戰公孫夏命其徒歌虞殯示必死也

提翻綽入水

玄宗嘗令左右提黃翻綽入池水中復出曰向見屈原笑臣尔遭逢聖明何亦至此

露筋

江淮間北露筋驛有人醉止其處一夕白鳥姑躡血露筋而死

北道記去云邵伯埭三十六里至鹿筋驛此處足白鳥有鹿一夕為所食至晚見筋因以為名

漢驚

世說葶泥為窠聲多稍小者謂之漢燕本草注云紫膏輕小者是越燕班黑聲大者是胡燕其作窠喜長

文公雜錄

此夢驚言

幽閑雜記

去歲來春

朝華日



類說卷第三十七下

北夢瑣言

幽閑鼓吹

法苑珠林

醉鄉日月

文心雕龍

北夢瑣言

吳越燕班鄉貢進士李集燕其外東喜身

唐宣宗好儒雅留心貢舉題殿柱曰鄉貢進士李集

步打進士

僖宗好蹴鞠聞鷄自以能於步打謂優人石野緒曰朕若非作

打進士合得狀元對曰或遇堯舜禹湯作禮部侍郎陛下不免

落第

揪玉局冷煖子

日本國王子入貢善圍碁帝令待召顧師言與之對手王子出

本國如揪玉局善玉之蒼者如揪玉色冷煖玉碁子冬煖夏涼

師言惧辱君命汗手死心始敢落指王子不勝問禮賓曰此第幾

手曰第三手也王子願見第一手禮賓曰勝第三可見第二勝

第二可見第一王子嘆曰小國之一不及大國之三

油客對碁

蜀簡州刺史安重霸瀆貨無厭州有油客子姓鄧安召與對敵



只令立侍每落一子俾退立墻不俟我等路始進終日不下數  
十子而已鄧生倦立飢不可堪或諷曰此侯好賂本不為某鄧  
然之中以金錠得免

不覽白氏文章

劉禹錫謂李德裕曰曾得白居易文集否德裕曰吾於此人不  
足久矣其文章何必覽焉

日本國王上表訴寃

令狐綯帖權出鎮維揚上表訴寃寃云臣非美酒美肉安能啖  
衆人之口

南華作僻書

令狐綯以故事訪於温岐政對以事出南華且曰非僻書也相公  
燮理之暇時宜覽古綯怒奏岐有才無行授方城尉岐詩云因  
知此恨人多積悔讀南華第二篇

鼻中龍虎氣交

土庭湊生於別墅有鳩數十期集庭樹暮宿簷下嘗寢於途有  
人自云濟源駱山人見君鼻中之氣左如龍右如虎龍虎氣交  
王在今秋子孫相繼滿一百年大樹及堂是其兆也是年果為  
鎮州三軍立為留後歸別墅而庭樹婆娑矣



許洞庭

許棠有洞庭詩云工時號許洞庭

人自云燕田家詩

聶夷中詠田家詩云父耕原上田子劓山下荒六月禾未秀官

家已脩倉鋤田當日午汗滴未下土誰念盤中食粒粒皆辛苦

二月賣新絲五月<sup>糶</sup>秋穀醫得眼下瘡剗却心頭肉我願君王

心化為光明燭不照綺羅筵徧照逃亡屋

飯後鍾

既相文昌少貧每听曾口寺齋鍾輒詣謂食為寺僧所厭乃齋

後扣鍾入相出鎮京南題曾口寺云曾遇梨鉢後鍾或云王播

相公題揚州佛寺詩亦兩存之

金蓮花盆濯足

段文昌富貴後打金蓮花盆盛水濯足或視之答曰人生幾何

要醉平生不足也

李帝師選壻

李先顏愛女未聘潦盛譽一鄭秀才詞李門閥公曰集一健鬼

也偶立微功豈可妄求名族已選得一佳壻乃召客司小將曰

此即某女匹也超三五階軍職後與金帛而已或曰李帝師與



侯景求婚王謝何其遠哉

王文公疑每寢必叉手而卧慮夢見先靈也

禿了

高駢鎮蜀日有開元寺僧黃昏禮贊公命擒之笞背斥遂將吏曰僧徒禮念亦無罪過但以此寺十年後有禿了數千作亂我以是厭之其後土人果禿髮執兵號大髡小髡據此寺為寨

此豚端正

路岩兒美善中裏間巷有松服修容者人必譏曰尔非路侍中耶嘗鬻豚之肆見僧豕者謂屠生曰此豚端正路侍中不如

離魂何處斷

路侍中自成都移鎮渚宮於合江亭離廷官妓行雲等感恩多詞所謂離魂何處斷烟雨江南岸

錦半臂

鄭愚以錦為半臂後以所業投崔鉉鉉曰真得錦半臂

足穀翁

常宙善治生江陵庄積穀有七十堆宗宣曰此所謂足穀翁也

命伐英雄人中祥瑞



吳行魯少事內官西門軍容一日為洗足中樹以脚下文理示  
之曰如此文理爭教不作軍軍容行魯曰某亦有之乃晚履履  
呈中尉嘆曰我為汝成之後假以軍職有功除西川節度制云  
為命代之英雄作人中之祥瑞

不肖子一變

不肖子弟有三變第一變為蝗虫謂鬻產而食第二變為蠹魚  
謂鬻書而食第三變為大虫謂賣奴婢而食

無字碑

趙崇標質堂堂不為文章號無字碑

本分官

薛能尚書以文章自負累出戎鎮常邑邑有詩謝寄寄柱茶云  
麓官乞與真拋却賴有詩名合得鎮許昌曰令其子具橐鞬參  
諸幕客曰俾渠消災蓋不得本分官矯此以見士

既受官爵何不食肉

崔慎田廉察浙西有瓦官寺僧為門徒有術士言相國氣色有  
貴子夫子妾媵皆無所見乃召僧侍更衣官妓術士曰果此在  
也及誕諺下有文即瓦官僧名因小字緇郎七歲尚不食肉有  
僧摩其曰腮既受官爵何不食肉自此方味葷血即因徹也



嗜好

崔鉉好食新捻頭杜幽公每早食饋餅乾脯崔侍中安潛好著

閑牛

盧相光啓先人伏刑爾後兄弟修飾謂親知曰此乃開荒也策

名後受知於租庸張濟每致書疏凡一事別為一幅八行皇疊

別紙自公始

荆州每舉每歲鮮舉人多不成名號天荒鮮劉蛻以荆鮮及第

後號破天荒

北韓南郭

成令公納一夜為巨地繞身乃曰苟有所負死生唯命遂巡地

亦亡去後鎮渚官屬精為治朝廷號北韓南郭韓即華州韓建

成令姓郭後婦姓

弄笏唱浣溪沙

薛昭律恃才傲物每入朝省弄笏而行又好唱浣溪沙詞有門

生敵規曰侍郎重德爾後不須弄笏與唱浣溪沙時謂至言

柳家細婢事賣絹牙郎

柳家細婢事賣絹牙郎



柳仲僕射有婢失意鬻於成都善巨源使君欲之取致其家一日通衢有鬻綾羅者從窓下過蓋公於東練內選擇舒卷酬酢可否柳婢失声而仆似中風蓋命扶出翌日瘳曰某雖賤人曾為柳家細婢死則死矣安能事賣絹牙郎乎

温飛卿謫官

温廷雲字飛卿或作筠舊名岐每人試押官韻作賦凡八义手而八韻成多為鄰鋪假手號曰救數人也宣宗詩句有金步搖温以玉條脱續入藥名白頭翁温以蒼耳子為對宣宗好微行温不識之詰曰公非司馬長史之流文參簿尉之類帝曰非也謫為方城縣尉制詞云徒負不羈之才罕有失時之用竟流落而死嘗題村氏林亭云卓氏盧全前金線柳隋家堤畔錦帆風貪為兩地竹行霖雨不見池蓮照日紅

末山尼失志

末山尼開堂說法禪師鄧隱峰有道者也試其所守中夜扶丹入禪室欲行強暴尼悍死失志隱峰取其相服集衆以曉之其徒立散

白鳳凰

沈詢侍郎清粹端美除山北節旄京師咸誦曹唐遊仙詩云玉



詔新除沈侍郎便分茅土領東方不知今夜遊何處侍從皆騎  
白鳳凰即風姿可知也

水月觀音

將疑侍郎亦有人物時號水月觀音

讀書万卷

高測上張燕公啓事云讀書万卷飲酒百杯公曰万卷書未易  
徵詰百杯酒得以奉試乃飲以酒果如所言

拆襪線

韓昭仕蜀粗有文章李台嘏曰韓八座事藝如拆襪線無一條長

好驢馬不入行

李德裕不樂應舉父勉之答曰好驢馬不入行由是以品子叙官  
天性不飯

有士子謁陸相乘公命酒勸之辭曰天性不飯酒公曰試如所  
言已校五分盖平生悔吝若有十分不爲酒自然減半

朱相即是非相

光化中朱朴自毛詩博士登庸自言可以立致太平内宴日排  
優穆乃綾作念經行者至御前曰若是朱相即是非相

涓縷木申



朱朴拜相時人曰朱公涓縷未申而教樂僮吹臧粟

孫氏詩

進士孟昌期妻孫氏善為詩一旦焚之以為才思非婦之事有

白蠟燭詩曰自有清香勝蕙蘭一條白玉遇人寒他時紫禁春

風夜醉草天書子細看開琴詩曰近若流泉來碧嶂遠如玄鶴

下青冥謝酒詩云好是綠窓風夜月一杯搖蕩滿懷春

秦婦吟秀才

李遠詩云人事千杯酒流年一局碁唐宣宗以非牧人之才不

與邵守蜀相常莊應舉時黃巢犯闕著秦婦吟云內庫燒為錦

綉仄天街踏尽公卿多訝之號秦婦吟秀才

曲子相公

晉相和疑好為曲子號曲子相公

百詩如一首

薛能還刘仁德卷詩云百首如一首卷初如卷終譏其不能變

態也

李程賦且在

李程以目日五色賦擢第為河南尹舉人有浩虛舟卷中行日

五色賦程覽未韻侵晚水芒動俯寒山而秀發大哈曰李程賦



且在瑞日何為到夜秀發

一片宮商

沈光有洞庭樂賦常岫曰此賦乃一片宮商

得力於猫兒狗子

盧延讓有句云狐衝官道過狗刺店門開又云餓猫臨鼠穴饒

犬舐魚砧又云果爆燒壇破猫跳觸鼎翻頗為特貴所賞盧曰

平生校謁公卿不意得力於猫兒狗子也

霸橋風雪

或問鄭棻新詩對曰詩思在霸橋風雪中驢子上此處何以得之

題秦皇詩

宣宗閱趙嘏詩卷有題秦皇詩云徒知六国随斤斧莫有群儒

辨是非上不悅

内侍始用欄笏

唐自安史後戎柄皆付大門魚朝思竇文楊乃其魁自楊復恭

始用欄笏以前紫缺而已

夾蛇龜賦

皮日休謁婦虫尚書不見因撰夾蛇龜賦譏其不出頭也融亦

撰皮靴靴鞋賦迺相謗誚



李義山重陽留題

李商隱令狐綯父楚之故吏也殊不展分重陽日義山詣廳事留題云十年泉下無消息九日樽前有所思即君官重施行馬東閣無因許再窺相國乃高閉此廳終身不處因怒義山官止使下員外

天淨星辰可摘

顧雲為高燕公草齋詞云天淨則星辰可摘奇儉之可施於至敬可乎

歷帝紀也

孔緯每朝士上封事不暇周覽但曰古今存亡其知之矣未審所陳利害何如千悔上崔相啓事數千字上至堯舜下及隋唐一興一替止於歷帝記也

崇文雪詩

高崇文本將因功援西川節度嘗作雪詩曰崇文崇武不崇文提戈出塞號符軍那箇醉兒射鴈落白毛空裏紛紛鄙語呼人曰醉兒

題風箏

高駢鎮蜀築羅城四十里朝廷疑之一日聞樂聲知有改移乃



題風箏曰夜靜絃聲響碧空宮商信任往來風依稀似曲統堪  
听只恐風吹別調中俄報移渚宮

洞庭三冬無髭鬚

洞庭湖闊數百里秋水滄整惟一條湘川而已僧齊已欲吟一  
詩未得有蔡押衙者吟曰可憐洞庭湖恰是三冬無髭鬚以其  
不威湖也

賈島佛

進士李洞慕賈島每欲鑄而頂戴常念賈島佛

包賀多為麓鄙句如苦竹笋抽青撥子石榴樹掛小餅兒又云  
墓是山中子舡為水靸鞋又云棹搖船掠髮風動水槌膏

自落便宜詩

世傳逸詩曰窓下有詩留客宿室中無事伴僧眠號曰落便宜  
詩

駐馬上山河

顧况披道士服在茅山秀才行吟曰駐馬上山河况云風來屣  
氣多秀才云道士莫無礼顧曰是况其人漸退

淡菜非雅物



金鑲玉鈎句

杜荀鶴詩云舊衣灰絮絮新酒竹筩筩常相詩云印將金鑲鑲  
簾用玉鈎鈎其氣槩可見矣

出家者剃度

曹相確夢為僧心惡之有一士曰侍郎旦夕必登庸出家者剃  
度者特杜相出鎮江西公果代拜

作祝雞翁

李德裕至朱崖著四十九論叙所志嘗遺段承式書曰自到崖  
州幸且頑健居人多養雞往往飛入官舍今且作祝雞翁耳

冰首過

豆盧瑑罷相乘閑詣僧院獨坐瞤然一叟也舉子候求自門外  
入出硃不顧揖謂叟曰文參長史乎曰非也令緣乎曰非也遠  
州刺史乎曰稍高又曰少卿監乎答曰更向上侯生矍然不安  
疑是承即出門知是盧相也婦貢長牋首過公亦怒之留而命  
酒凡勸十盃乃小懲也

聞父苦吟再生為子

顧况字逋翁暮年一字<sub>子</sub>即非熊前身也一旦暴亡况悼哀切乃  
吟曰老人喪愛子思慕泣成血老人年七十不作多時別非熊



在冥間聞之以情告冥官皆憫之却令生况家三歲能言其間  
聞父若吟之事

用破一生心

李穎詩曰只將五字句用破一生心

陰兵復仇

陽收貶死嶺外鄭愚尚書鎮南海忽見楊相曰某為軍容使楊  
玄价譖害得請於帝賜陰兵復仇欲借十萬緡鄭許其半收曰  
非銅錢也燒時幸勿着地長揖而滅即冥素錢祭之後見楊乘  
白馬臂朱弓撚彤矢有天吏鞞馬曰我殺楊玄价射中其脚俄

玄价病脚病而殂

白蓮花玉環

元和中蘇昌遠居吳中水鄉一女即素衣紅臉若裊仙中人自  
是祖狎贈以玉環一日見檻前白蓮花開花房中有物玉環也  
因拆之遂絕

風流帶焰

有娼徐月英送人詩云惆悵人間万事遠兩人去一人歸生憎  
平望亭中水忍照鴛鴦相背飛金陵一營妓卒而焚之月英曰  
此娘平生風流沒亦帶焰



山影平王周礼庫

李陪尚書號周礼庫蓋精於舊典也

不愛紫木僧

狄婦曰右丞愛與僧浙有服紫袈裟者乃踈之每誦前輩詩曰

因過竹田院逢僧話又得浮生半日閑

吳縣觀僧比蜀茶

鄭谷亦愛僧比蜀茶曰蜀茶與僧未必皆美不欲捨之

不置油衣

孔極侍郎朝迴遇雨避於坊叟之廡下延入廳事叟烏帽紗巾

逢迎甚恭因備酒饌一一精好孔公借油衣叟曰某寒不出契

不出風不出雨不出未嘗置油衣也孔公不覺碩頓忘息宦情

吳天內逼但請先訪

有丞郎馬上內逼急詣不空宅徑登潤軒乃大優穆刀綾空屋

也將上馬穆優忽至曰侍郎宅曰內逼但請先訪

買鞋

薛侍郎未登第前就肆買鞋鞋主曰秀才脚第幾對曰與昭緯

作脚未未曾與立行第也

登華山



道士程子霄登華山偶巔仆字文翰戲曰不知上得且恠懸之  
又懸

河仄作浣溪沙詞

張禧侍郎喪愛妾悼念不已其猶子曙作浣溪沙詞枕障薰爐  
隔繡幃二年終日兩相思好風明月始應知天上人間何處去  
舊歡新夢竟未時黃昏微雨畫簾搖垂大阮朝者退詞慟曰必  
是河仄所作然於名教還亦不可河仄中諫小字也

落第詩

高蟾落第詩曰天上碧桃和露種日邊紅杏倚雲栽芙蓉生在  
秋江上不向東風怨未開胡僧曾下第詩云翰苑何時休嫁女  
文章早晚罷生兒上林新貴年年發不許平人折一枝

醮詩

李浣醮詩云一封紅篆書爲秦塵寰事

天帝召滑著棋

待詔滑能棋甚高少逢敵手有張小子請饒一路隨手輒應一  
旦曰某非棋客天帝命我取公著棋請指揮家事滑奄然而逝  
好食竹雞

有富商暴亡醫工梁新診視曰尋常嗜何物僕夫曰好食竹雞



新曰竹鷄食半夏必半夏毒也命搗姜汁灌之方蘇

契繪眼花

有一少年眼中常見一鏡鑿工趙卿曰即君契繪大多醬醋不快又有魚鱗在膏中所以眼花乃設芥醋一甌因飢啜之遂愈

婢僕詩

李昌符作婢僕詩五十首有云不論秋菊與春花箇箇能喧空  
壯茶無事莫教頻入庫一名閑物要此：

道士行法事不虔

玉局觀二道士上壇行法事其僕忽見四人着緋自天而下拽

二道士壇前鞭背二十相次患發背而大卒

征遼碑

張遼章泛海遇風忽有青水曰奉大仙命請大夫俄至大島有  
女仙甚盛食畢告退女仙曰子不欺暗室君子人也及還風濤  
窅然又回風至西岸太宗征遼碑在水中建章帛苞麥屑置水  
中摸而讀之不君欠一字

夢幡飛指

劉仁恭微時夢佛幡於手指飛出或曰君年四十九必有旌幢  
之貴果然



木星入南斗

乾符中木星入南斗知星者咸曰金火土犯斗則為災唯木為福術士邊岡曰木在斗中朱字也識者言唐有緋衣之織裴字為緋牛字着人即朱也裴度牛僧孺每罹此謗安知鍾於踴山之朱乎

玉界尺

趙光逢字神秀異號玉界尺

坐主辱門生

封舜卿與門生鄭致雍同入翰林鄭有俊才封思拙特謂坐主

辱門生

病鶴詩

沙門貫休風騷之外積於筆札成中令問其筆法休曰此事須登壇而交安可草草而言成銜之通於黔中因以病鶴詩見意曰見說氣清邪不入不知尔病自何來

五髭鬚

江陵有村民事伍子胥被誤呼五髭鬚乃畫五丈夫皆于顯祝呼之祭云一髭鬚二髭鬚至五髭鬚

魑魁



江河邊多魍魎往往呼人姓名應之者必溺死

### 採龜

南人採龜尿以其性妬而與蛇交採特取雄龜於盤中於龜後以鏡照之既見鏡中龜即淫發而失溺即以物取之

### 睡龍

江南蘆荻之間往往燒起睡龍辰州民燒起一龍四面風雷急雨不能撲滅尋為煨燼而角不化瑩白如玉

### 射鹿

唐州有民獵於深山射中一鹿親之乃人也呼獵者曰我隋初隱此山今日合死於子之手但置我石室間獵者諾之遂巡而絕獵旬日<sup>再</sup>往即亡其屍矣

### 六甲行厨

修道功深者享六甲行厨凡有所須舉意即至

### 五綵纏梯

馮涓失意蹭蹬有詩云取水郎中何日了破柴員外幾時休年八十五以五綵纏梯穿屋真冠帶歷梯一級而終

### 者<sup>者</sup>邊走那邊走

蜀後主裹小巾其尖如錐宮妓多衣道服簪以蓮花冠因施膳



脂夾臉號醉粧作詞云者邊走那邊走只是尋花柳那邊走者  
邊走莫厭金杯酒

安天龍

滄州有民于路逢白蛇以繩繫之擺其頭落湏臾雷電撒此子  
上空中為雷火燒死有朱書云此人殺安天龍為天符所誅

鹿茸

南中多鹿一牡管牝百數至春羸瘦夏食菖蒲却肥獵者先以  
繩繫其茸截取之以血未散也

紫稍花

龍生二卯一為吉了上岸與鹿交或遺精枯槎號紫稍花益揚  
道

點點師

蜀州靈鷲山有僧卧一室常用手點膏時號點點師

煎餅招鬼

夜作煎餅多招鬼裊有儒生出通衢有云昨夜崇福院僧作煎  
餅肉羹被我翻其鼎苑其肉羹和灰埋花欄中又一鬼於人家  
不得煎餅推其小兒落水復一鬼至云我能鑿火燒瘡尔但與  
我煎餅因教之有嫗夜作煎餅窓中忽露一青手遺餅而沒



火燒瘡

火燒瘡無出醋泥甚驗

衣冠土象

起居即蘇褚寢<sup>隱</sup>無行人目為衣冠土象

一步一計

李克用入魏博鳴云城上有旗幟來往晉王曰劉鄩一步一計更令審探果縛芻為人縛旗於上以驢負之循堞而行鄩軍已去二日矣

蒿餅子

貫休真卒嘗有僧許蒿脯未得乃指手謂曰你蒿餅子何在

白牡丹老嫗

人之家道切生防閑釐婦少婢僕處子不正之偶往往有馬有嫗號白牡丹蓄下胎藥臨終見嬰兒無數聚盥其腦

誦天蓬咒

曹蕭西庄多為跨白驢書生所魔有魏處士夜見跨驢者所遂誦天蓬咒無恙又夢鬼追之甚急空中有人授大斧一揮人驢俱斃

偷驢賊



王先生微時偷驢遭刑攻圍東川為守碑卒日夜叫偷驢賊先生謂俳優王舍城曰為我罵之優戟手指城上人且令靜聽曰我偷作屋裏驢那城上皆笑一日袒背示舍城求瘡痕舍城曰大好膏藥

蜀主詩詞

蜀後主荒於酒色月夜每言惆悵惆悵又云切道斷人生幾何有分者任作浮係入秦至劍州悅之水之美詩云不緣朝帝闕好此結茆廬至咸陽撰曲子云盡是一場贏得

貫休真本迴避一抄夏供

貫休戒行精嚴求化養衆徐簡夫曰所在長老有似蟻娘見蕤糞盡即翾然而飛衆僧依長老相聚而食僧止即索然而去休怒拂袖而出簡夫曰又迴避得一抄夏供也

替代

荆南都頭李遇疾困攝至陰府逢一人先物故曰常侍安得此來復有一人云已追到李遇家蘇見妻子泣其身下卧一夜人號替代

識字亂情

李義山雜纂云婦人識字即亂情



龍巢翻

夷江陵或浮大木蔽塞水面土人謂之龍巢翻

乞食歌姬院

裴休被毳衲於歌姬院持鉢乞食曰不為俗情所染可以說法

為人

問氣布衣

皮日休傲誕自號問氣布衣

偷江東

鄴王羅紹威慕江東羅隱詩賦目其集曰偷江東

僧焉詩

僧焉鄙賈島詩自諷其詞云鯨目光燒中半海紅鰲頭浪撼掀

天白又云我不能致思於藩籬蹄岑之間

鼓琴吹笛

溫庭筠善鼓琴吹笛云有絃即彈有孔即吹不必柯亭爨桐也

檢譜角觥

顏王雲論兵必攘袂叱咤若對大敵人號檢譜角觥

醉鄉無戶稅

劉虛白嗜酒有詩云知道醉鄉無戶稅任教荒却下丹田



幽閑鼓吹

張同撰

公主不視疾

宣宗万壽主公駙馬鄭尚書之弟凱有危疾上使訊之回問公主視疾否曰在慈恩寺看戲場上曰我恠士大夫不與我為親良有以也召主責曰豈有小郎病乃就看他處乎立遣歸宅

天白入  
宣宗問於勅使何如

宣宗問帝澳曰朕於勅使何如澳即述上威制前朝無此上閉目搥手曰揔米揔未依前怕也在計將安出澳曰謀之外廷恐

有大和末事不若就其中揀才識者委以計策上曰朕以行之自黃至綠自綠至緋皆感恩若紫衣掛身即一片矣公慚而退

立儲官

裴休嘗論儲官之意宣宗曰若立儲官使閑人

長日惟消一局碁

宣宗坐朝次對官必待氣息平均然後問事令狐祖進李遠知杭州上曰遠詩長日惟消一局碁豈可臨郡哉

遠郡謝表

宣宗視遠郡謝上表左右曰不足煩聖慮上曰無非特章奏只



有此表安知其不有情懇乎吾不敢忽也

### 張長史筆迹

張長史為常熟尉有老父過狀判去數日後至日某實非論事  
觀公筆迹奇妙耳

### 米價方貴居亦不易

白居易初以詩謁顧况熟視姓名曰米價方貴居亦弗易披卷  
首曰咸陽原上草一歲一枯榮野火燒不盡春風吹又生况曰  
道得箇語居即易矣因為延譽聲名大振

白大味未  
崢嶸甚

喬彛京兆府解試渥注馬賦警句曰四蹄曳練翻翰海之霜華

一噴生風下胡山之木葉使欲首送尹曰崢嶸甚宜以解副薦之

### 鴈門太守行

李賀以歌詩謁韓吏部時送客歸極困解帶讀之首篇鴈門太  
守行曰黑雲壓城城欲催甲光向日金鱗開却束帶邀之

### 訪李賀遺文

李蕃嘗綴李賀歌詩知賀表先與賀筆硯之舊託訪所遺其人  
曰某盡記其所為亦多點竄請得所緝者為改正公併付之弥  
年絕迹公怒召誥之荅曰恨其傲忽當思報之其文已投溷中



矣故賀篇什流傳者少

作假天子

苗帝師落第出都門有老父曰要知前事耶曰某有一第分乎曰大有事苗曰一郡乎曰更向上曰廉察乎曰更向上將相乎曰更向上公怒曰作天子乎曰天子真者不得假者即得後果爲將相及德宗升遐攝冢宰三日

寄杜黃裳錢并轎車

李師道跋扈憚杜黃裳爲相未敢失禮命幹吏寄錢數千緡并轎車子一乘亦直千緡使者宅前伺候累日有綠輿出從二青

衣藍縷問何人曰相公夫人使者遽歸以告師道折其謀終身不敢失節

末坐慘綠少年

潘炎德宗師時翰林學士妻劉晏女也京兆有故伺候累月不得見乃遺守門者三百縑夫人曰豈有人臣京兆尹願一見遺奴三百縑其危可知也勸炎避位子孟湯初爲侍郎夫人曰以尔人材而位丞郎吾恨懼禍至試會尔同列吾覩之客至夫人喜曰皆汝之儔也末坐慘綠少年何人也曰補闕黃裳夫人曰此人全別必是有名卿相



實告賢於能詩

元貞在鄂州周復為從事相國賦詩命院中屬和復曰某偶以大人往還謬獲一第其實詩賦皆不能也相國曰遽以實告賢於能詩

金銅茶籠子物菴

崔造即位一二歲居閑躁悶謂兒姪曰不得他諸道金銅茶籠子物菴也遂復起

錢至十萬通神

張延賞判度支有嚴頗寃濫公召吏嚴戒旬日湏了明日按上  
有小帖子云錢三萬乞不問此獄公怒更促之明日帖子云錢五萬貫公亦怒明日復見帖子曰錢十萬貫遂止不問所親偵之公曰錢至十萬通神矣無不可為之事吾惧及禍不得不止也

元載一書得絹千疋

元載在中書有夫人來投載度其人材不任事贈河北一書夫人不得已持去既至幽州及拆視之更無一詞惟署名而已大侮怒欲回試謁院吏斯湏有大校持箱復請書書官之上舍番連數日奉絹千疋



段和尚製西涼州

元載子伯和勢傾中外福州觀察使寄樂妓十人既至半歲不得送使者窺伺門下有琵琶康崑崙最厚乃厚遺求通既送妓伯和一試盡以遺之有段和尚善琵琶自製西涼州崑崙求之不與以樂之半贈之乃傳道調州是也

牛僧孺于頓

牛僧孺詣襄陽于頓以海客過之牛怒而後去召客將問牛秀才發未曰已去立命小將賚書絹五百疋追之僧孺不啓封揖

法苑珠林

取兒償金色

梁南陽之侯慶有一銅像慶有一牛擬貸為金色偶有急事他用慶妻忽夢像曰卿夫婦負我金色久不償今取卿兒醜多以充色至晚醜多病卒像忽自有金色光照四隣隣里皆來觀焉

金篋療目

後周張元其祖喪明元燃七層燈七晝夜讀藥詩師經每日行道曰今以燈光普施法界乞祖目明元求代聞夜夢一翁以金篋療其祖目三日後其目果差



夢賓頭盧

晉釋道安者注般若諸經恐不合理乃誓曰若所說不違理者當見瑞相乃夢胡道人頭白眉長語曰君所注經殊合道理我不得入泥洹住在域當相助弘通可特設食也後遠公云和尚所夢乃是賓頭盧也

伊婁妻以青衫白帽女化羊

唐長安市里每歲元日已後逆飲食相邀號為傳坐東市趙大次當設之有客先到見隗上童女青衫白帽以索繫頸於碓柱泣曰我主人女也盜父母錢欲買脂粉未及而死其錢今在厨舍壁中坐此得罪今當償命言畢化為青羊白頭客驚告主人主人問其形貌乃是小女死二年於厨壁取得錢於是送羊僧寺闔門不復食肉

負錢作牛

永徽中汾州人路伯達負同縣人錢一千後與錢主佛前誓曰若我未還公願死與君家作牛逾年而死錢主特一牛產赤犢子額上白毛為路伯達三字

四十二章經

漢帝夢金人飛空而來未幾僧摩騰自大竺至乃立精舍以居



之今洛城白馬寺是也譯四十二章經傳于世

諸天雨

兜率天雨摩尼珠護世城雨美膳河脩羅天雨兵伏閻浮

世界雨清淨水

永樂中念悟言銷滅威威員同歸入疑一十對與疑王制前誓曰

謝安與支遁書曰人生如寄耳終日戚戚遲君來以悟言銷之

般若臺

陳文達持讀金剛經有入冥見築臺云此般若臺待陳文達

舍聖中坐判夢四法當斷命言畢外為養羊白龜衣讚讚去主人

判夢有四法一曰元明薰習二曰舊識巡遊三曰大徧增四曰

善惡先地

鵲毛爐

香爐有柄可執者曰鵲尾爐

誦法華經

釋慧慶誦法華經夜聞空中有彈指贊嘆之聲嘗遇風濤慶誦  
經不輟舡在浪中如有人牽之倏忽至岸

醉鄉日月

唐皇甫嵩



醉有所宜

凡醉有所宜醉花宜晝襲其光也醉雪宜夜消泣也醉得意宜唱宣其和也醉將離宜擊鉢壯其神也醉大人宜謹節奏慎章程畏其侮也醉俊人宜益觥盃加旗幟助其烈也醉樓宜暑資其清也醉水宜秋泛其爽也此皆審其宜攷其景及此則失飲之天也

君子中小人

凡酒以色清味重而飴為聖色如金而味醇且苦者為賢色黑而酸醕者為愚以家醪糯觴醉人者為君子以家醪黍觴醉人者為中人以巷醪觴醉人者為小人

不歡之候

不歡之候有九主人吝一也賓輕主二也鋪陳賴而不叙三也樂生而妓嬌四也數易令五也騁牛飲六也迭恢諧七也手相八也歡骰子九也

害馬

酒謂不可與飲者為歡場之害馬

歡候

歡之候十有三得其時一也賓主久間二也酒醇而主嚴三也



非觥壘不謳四也不能令有恥五也方飲不重膳六也不動筵  
七也錄事貌毅而法峻八也明府不受請謁九也廢賣律十也  
廢替律十一也不特酒十二也使勿歡勿暴十三也

明府

凡飲以一人為明府主斟酌之宜酒儒為曠官謂冷也酒猛謂  
哥政謂熱也

飲飾

飾飲者如暑中置寒筵冰之類

三材

凡飲以一人為錄事以糾坐人須擇有飲材者材有三謂善令

知音大戶也

犯觥令

凡初犯令律事以本戶繩之不止者置觥錄事投旗於前曰某

犯觥令

飲儲

下酒物色謂之飲儲

飲器

飲器大曰武小曰文



六鶴齊飛

古者交歡多為博列子曰虞氏設藥飲酒累博樓上其齒以牙飾以箭長五寸其數六刻一頭作鶴行仙徑云六鶴齊飛蓋其名也宋齊以降多以檇蒲頭戟酒骰子之制赤六鶴檇蒲之變也

手勢令

手勢令旋其踐如羊角飛其袂如虎眼然後可以畋漁風月繒繳笙竿以名飲徒

狂花病葉

或有勇於牛飲者以巨觥沃之既撼狂花復凋病葉歡流誰者為狂花且睡者為病葉

招手令

招手令云亞其虎膺謂手掌典其松根謂指節以蹲鴟問虎膺之下蹲鴟大指也以鉤戟差玉柱之傍鉤戟頭指玉柱中指也潛虬闕玉柱三分潛虬無名指也奇兵闕潛虬一寸奇兵小指也死其三落謂韡其腕生其五峯通乎五指也

令十說

令有十說有人頭有揭尾有拋過有轉江有桃心有榻首有五



既有三分有轉開有合地

徵名

風雲中徵人名如朱雲斛律明月禽中徵人名如魏豹扁鵲草  
木中徵人名如鄧艾越枿布帛中徵人名如季布爰絲顏色中  
徵人名如衛青李白形體中徵人名如張耳伯牙親族中徵人  
名如王郎衛子夫家具中徵人名如劉盆子公孫杵舊州郡中  
徵人名如馮唐孔光李

筵冰法

造寒筵冰法盛夏初夏於井側安鑊用大水晶一塊大如拳無  
暇爨者以新汲水熾火煮千沸取越餅口小腹大者滿盛其易  
以油帛密封其口勿令泄氣復以重湯煮之千沸急沉井底平  
且出之破餅冰已結矣

霹靂酌

暑月候大雷霆時收雨水淘米炊飯釀酒名霹靂酌

文心彫龍

東平劉勰

竹生日

竹有生日即五月十三日也移竹我宜用此日或陰雨土虛則



鞭行明年笋莖友出

偷笋

問問偷笋隔籬必埋狸於墻下一作埋猫明年笋自遊出

善長對大... 文以... 蘇氏演義... 齊民要術... 杜陽雜編... 顏氏家訓... 北齊黃門侍郎顏之推

類說卷第三十八

顏氏家訓

蘇氏演義

杜陽雜編

齊民要術

顏氏家訓 北齊黃門侍郎顏之推

教子如救病

凡人不能教子女者非欲滔其罪惡但重於訶怒傷其顏色不忍楚撻其肌膚耳當以疾病為諭安得不用湯藥針艾救之哉

父子之嚴

父子之嚴不可以狎骨肉之愛不可以簡簡則慈孝不接狎則



怠慢生焉

不親教子

或問君子不親教其子何也曰詩有諷刺之詞禮有嫌疑之戒書有悖亂之事春秋有雅辟之譏易有備物之象皆非父子之可通言故不親授耳

愛子

人之愛子罕亦能均賢俊者自可賞愛頑魯者亦當矜憐有偏寵者雖欲以厚之更所以禍之共叔之死毋實為之趙王之戮父實使之劉表之傾宗覆族袁紹之地裂兵它可為龜鑑也

教鮮卑語琵琶

齊朝有士大夫曰我有一兒頗曉書疏教其鮮卑語及彈琵琶伏事公卿無不寵愛亦要事也異哉此人之教子若由此業自致卿相亦不願汝曹為之

僕妾為雀鼠妻子為風雨

二親既歿兄弟相顧當如形之與影聲之與響愛先人之遺體惜已身之分氣譬如居室一穴則塞一隙則塗則無頽毀之慮如雀鼠之不恤風雨之不防壁滔楹淪無可救矣僕妾之為雀鼠妻子之為風雨甚哉



未著衣帽不應

兄弟不睦則子姪不愛子姪不愛則群從踈薄群從踈薄則僮僕為仇敵矣沛國劉璉與兄璉連棟隔壁璉呼之數聲不應良久方答璉恠問之乃云向未未著衣故也

後妻虐子

後夫多寵前夫之孤後妻必虐前妻之子事勢使之然也

洛索阿孤養

婦人之姓索寵子壻而虐兒婦寵壻則兄弟之怨生焉虐婦則姊妹之譏行焉女之行留皆得罪於其家者每實為之至有諺

云洛索阿孤養此其相報也可不戒哉

愛護典籍

借人典籍皆須愛護先有缺壞就為補治此亦士大夫百行之一也濟陽江祿讀書未竟雖有急速必待卷策束整然後得起人不厭其求假或有狼籍凡案分散部秩多為童幼婢妾所點汚風雨犬鼠所毀傷實為累德

避諱

梁世謝舉甚有声譽聞諱必器為世所譏楊都一士人諱審而與沈氏交與其書名而不姓此非人情凡避諱者須得同訓以



代之相公名曰傳有五皓之稱厲王名長琴有修短之目不聞  
謂布帛為布皓乎賢腸為賢修也梁武小名阿練子孫皆呼練  
為絹乃謂銷鍊物謂銷絹物或有諱雲者呼紛紜為紛悃有諱  
桐者呼梧桐樹為白鉄便以笑耳周公名字曰禽孔子名兒曰  
鯉止在其身自可無禁至若魏侯魏公子楚太子皆名蟣虱長  
卿名犬子王修名狗子上有連及理未為通古之所行今之所  
笑也北土多有名兒為驢駒豚子者使其自稱及兄弟所名亦  
何忍哉前漢有聲翁歸後漢有鄭翁歸梁有孔翁歸晉有許思  
妣孟少孤如此名字幸當避之名字者當為孫地親識中有諱

裏諱周諱清諱和諱禹交疏迭次一坐百犯

家父家母

侯霸子孫稱其祖父曰家公陳思王稱其父為家父稱母為家  
母潘泥稱祖曰家祖古人所行今人所笑也及南北風俗言父  
祖無云家曰田里猥人方有此言耳

下泣言離

別易會難古人所重江南餞送下泣言離此間風俗屑此事岐  
路言離歡笑分首然人性自有少涕淚者腸雖欲絕自猶爛然  
如此之人不可強責



試兒

江南風俗兒生一暮用珍寶服玩飯食試之

禮緣人情思由義斷

吳郡陵襄父閑被刑襄終身布衣蔬飯雖薑菜有切割皆不忍食居家唯以稻搗供厨江陵姚子為母以燒死終身不忍噉炙康父以醉為奴所殺終身不復嘗酒然禮緣人情由義斷親以噎死亦當不可絕

教婦初來

諺曰教婦初來教兒嬰孩誠哉斯語

鮑魚之肆

與善人居如入芝蘭之室久而自芳與惡人居如入鮑魚之肆久而自臭

上車不落則著作

梁朝貴遊子弟多無學術諺云上車不落則著作体中何如則秘書無不薰衣剃面傅粉施朱駕長簷車跟高齒屐坐綦子方褥馮班係隱囊從容出入望若神仙明經及第則顧人卷策三九公宴則假乎賦詩自荒亂以來請見浮虜雖百世小人知讀論語孝經者尚為人詩師雖千載冠冕不曉書記者莫不耕田



養馬若能當保數百卷書千載終乃為小人也諺曰積財千萬不如薄伎在身伎之可貴無過讀書

### 學猶種樹

學者猶種樹也春玩其華秋登其實講論文章春華也修身立行秋實也

### 晚學

顏之推也歲時誦震光殿賦至于今日十年一理猶不遺忘二十之外所謂經書一日廢置便荒蕪矣人有坎壈夫於盛年猶當晚學不可自弃孔子五十以學易曾子七十乃學荀卿五十始學公孫弘四十方讀春秋朱雲亦四十始學易論語皇甫始謚二十始受孝經論語皆成大儒

### 老莊任縱之徒

老莊之書全真養性不肯以物累已也藏名柱史終蹈流池匿跡漆園卒辭楚相此任縱之徒耳

### 誤讀躡鴟為羊

江南有一權貴讀誤本蜀都賦注解躡鴟羊也乃為羊字人饋羊肉谷書云損惠躡鴟

### 陋學



王莽讚云紫色蛙声餘分閨位謂以偽亂真者有一後士名價甚高乃云王莽非真直鷓目虎吻亦紫色蛙声又礼樂志云給太官桐馬酒李奇注以馬乳為酒也種桐乃成二字並當為手音撞此謂撞擣提桐之令為醕酒然向學士又以為種桐特大官釀馬酒乃熟其孤陋如此太山羊甫讀潘岳賦周文弱枝之棗為杖策之杖世本容成造曆為碓磨之磨

閨里飾詞

江南閨里閨士大夫道聽塗說強事飾詞呼微質為周鄭謂霍亂為博陸上荊州必稱陝西下楊都海郡言食則糊口道錢則孔方問移則楚止論婚則葵尔及王則無不仲宣語劉則無不公幹凡一二百件傳相祖述尋問莫知源由施安時復失所

耳學之過

莊生有乘時鵲起之說故謝朓詩曰鵲起登吳臺有人作七夕詩云今夜吳臺鵲亦共往填河羅浮山記云望乎地樹如薺故載嵩詩云長安樹起如薺有人詠樹詩云遙望長安薺又嘗見謂矜誕為夸毗高年為富有春秋皆耳學之過也

制名

近世有人為子制名皆兄弟皆山傍立字而有名時者兄弟皆



手邊立字而有名機者兄弟皆水傍立名字而有名疑者名儒  
碩學此例甚多

世稱匆匆不知所由按說文匆者州里所建之旗象其柄及三  
游之形所以趣民事故怠遽者稱為匆匆

豆逼

吾與數人同生見上小光問左右為何物有一蜀豎就視荅云  
是豆逼小豆也蜀土呼粒為逼音方力反觀天下書未偏不得妄下雌黃  
為七皆訓粒為逼音方力反觀天下書未偏不得妄下雌黃

露葵

有葵即者諳絕遂呼萼為露葵面墻之徒遙相倣效承聖中士  
人聘齊主客郎李恕問曰江南有露葵否荅曰露葵是萼水鄉  
所出今食者綠葵耳

才華不為妻子所容

并州一士族好為可笑詩賦衆哄嘲弄虛相贊說擊牛釀酒招  
延穀譽其妻泣而諫之此人嘆曰才華不為妻子所容何況行  
路至死不覺

師心自任



學爲文章先謀親友得其評論者然後出手慎勿師心自任取笑旁人

文章

凡爲文章猶人乘騏驥雖有逸氣當以御街勒之勿使流亂執  
蜀故意填坑岸也文章當以理致爲心腎氣調爲筋骨事義爲  
皮膚華嚴爲冠冕今世相承趨末弃本率多浮艷詞與理競辭  
勝而理伏事與才爭事繁而才損放逸者流宕而忘歸穿鑿者  
補衲而不足

三易

沈隱侯曰文章當從三易易見一事也易識事二也易讀誦三  
也邢子才曰沈侯文章用事不使人覺若膏臆語祖孝徵曰沈  
詩曰崖傾護石髓此豈以用事耶邢子才魏收俱有重名邢賞  
沈約而輕任昉魏愛任昉而毀沈約鄴下紛紜各有朋黨孝徵  
曰任沈之是非乃邢魏之優劣

論詩

蕭愨有秋詩云芙蓉露下落楊柳月中疎其蕭散宛然在目河  
遜詩清巧多形似之言恨其每病辛苦饒貧寒氣不足劉孝綽  
之雍容也孝綽以謝朓詩置几案間動靜轍諷味簡文愛陶淵



明亦復如此

巴豆塗臉

言別其毒無辛苦誠貪者不之信也  
近有大貴孝悌著數居喪哀毀而於苦塊中以巴豆塗肥成瘡  
表哭泣之過以一偽喪百誠貪名不已故也

佐饕得嘗

王子晉云佐饕得嘗佐閑得傷此言不欲黨人非義之事也

窮鳥入懷

窮鳥入懷仁人所憫死士歸我當弃之乎伍員之託魚舟李布  
之入廣曰孔融之藏張儉孫嵩之匿趙岐以此得罪甘心瞑目

服藥

唐肩吾常服槐實年七十餘鬚髮猶黑有士人單服杏仁枸杞  
黃精木車前得益者甚多吾常患齒搖動欲落飯食熱冷皆苦  
疼痛見抱朴子牢齒之法早朝叩齒三百下行之數日即平愈

雞口牛後

太史公曰寧為雞口無為牛後此是剛戰國策耳安延篤音義  
曰尸雞中之主從牛子然則口當為尸後當為從俗寫誤也

調絃未遽夾

古樂歌詞先述三子次及三婦婦是對舅姑之珎末章云夫人



且安在調絃未遽央古者子婦共事舅姑旦夕在側與男女兒  
無異故有此言丈人疑當爲大

### 炊爨房

古樂府歌百里奚詞曰百里奚五羊皮憶別時烹伏雌吹爨房  
吹當作炊爨之炊蔡邕月令章句曰鍵開牡也所以止扉或謂  
之剡移當時貧困并以門牡木作薪炊耳

### 不信耳目不及

釋氏戒世人不可以耳目不足便爲虛誕如山中人不信有臭  
大如木海上人不信有木大如魚漢武帝不信弦膠魏文帝不  
信火布胡人見錦不信有虫食樹吐絲所成昔在江南不信有  
千人毡帳及來河北不信有二萬斛舡世有幻術猶能履火蹈  
兩種瓜移井倏忽之間千變万五化何況裊通感應不可思量千  
里室幢百由旬座化成淨土踊出妙谷乎

### 五更

或問一夜或故五更答曰漢魏以來謂爲甲夜乙夜丙夜丁夜  
戊夜又云一鼓二鼓三鼓四鼓五鼓亦云一更二更三更四更  
五更皆以爲伍節西都賦亦云衛以嚴更之署正月建寅斗柄  
夕指寅曉則指午矣凡歷五辰冬夏雖復長短參差然辰間遼



閱盈不至六縮不至四進退長在五日之間更歷也經也故曰  
五更

郭禿

傀儡子有郭禿風俗通云諸郭皆禿禿當是代人有姓郭可病  
禿者滑稽戲調故後人為其象呼為郭禿

借甫為人

甫者男子之美稱古書多假借為父字北人遂無一人呼為甫  
者惟管仲范摐之號須依字讀耳

千里面目

諺云尺牘書疏千里面目此藝不須過精為人所役王逸少風  
流才士蕭散名人舉世惟知其書常仲將遺戒深有以也

偽字

晉宋以來多能書者至梁大變蕭子云改易字体邵陵王頴行  
偽字前上為草能傍作長之類是也至為一字唯見數點或委  
斟酌遂便轉移北朝喪亂之餘書迹猥陋專輒字甚於江南乃  
以百念為憂言反為變不用為罷追來為婦更生為蘇先人為  
老如此非一徧滿經傳

卜筮



近世卜筮無復佳師古者卜以決疑今人生疑於卜字道信謀  
欲行一事卜得惡卦及經快快且十中六七以為上手粗知大  
意又不委曲凡財奇偶自然一半何足賴也

### 微解藥性

醫方之事最妙極難微解藥性小小和合居家得以救急亦為  
勝事皇甫謐殷仲堪則其人也

### 不知琴號有所闕

君子無故不徹琴瑟初衣冠子孫不知琴者號有所闕此藥憤  
憤雅致有深味哉唯不可令有稱譽見役勲貴處之下坐以取  
殘杯冷炙之辱

### 博奕

聖人不用博奕為教但以學者不可當精有時疲倦為之勝猶  
飽食昏睡兀然端坐耳

### 投壺

古者投壺實以小豆為其矢之躍也今以躍為貴謂之驕乃有  
倚竿帶劍狼壺豹尾龍首之名其妙者有蓮花驕又為小障置  
壺外投之無失驕一作驍

### 苻菜



行菜江南謂之猪萼苦菜河北謂之龍葵馬蘭廣雅謂之馬薤

蘇氏演義 唐蘇鶚

蚩尾

蚩海獸也漢武伯梁殿有蚩尾水之精也能却火災因置其象于上今鷓尾非也

樓羅

樓羅者幹辨集事之稱世曰樓敬曰羅非也

乾沒

乾沒與陸沒之義同漢注謬矣

龍鍾

龍鍾者不昌熾不翹舉貌如鬢髮拉搭斛練之類

龜經

龜經云欲知龜有裨視骨白如銀

杜陽雜編 前進士蘇鶚

九花虬

代宗時苑陽貢馬額高九寸真虬龍也身被五花紋號九花虬後以賜郭子儀

金蚕

杜陽雜編

杜陽雜編



天寶中異國貢軟玉鞭屈之頭尾相就舒之勁直如繩上命聯  
秀為囊碧玉絲為鞘碧玉蚕絲彌羅國所貢其國桑上有蚕其  
色金其絲碧亦曰金蚕絲縱之一尺引之一丈

上清珠

開元初蜀賓國貢上清珠光照滿室有仙人玉女雲鶴動其中  
有水旱兵革之灾祝之無不應驗

震光豆

大歷中日林國獻震光豆紅光數尺一名詰多珠葛蒲蕒之即  
大如卵可重一斤食之香美數日不飢渴

龍釵

日林國獻龍角釵上刻蛟龍帝以賜獨狐妃與上同遊龍舟有  
紫雲自釵上化為二龍去

萬佛山

新羅國進五色鬘鬘方寸之內即有伎樂山川復有蜂蝶動搖  
燕雀飛舞又進石佛山可高一丈彫沉檀珠玉以成之佛大者  
逾寸小者數分臺殿幡盖勢若飛動下有紫金鍾每擊則僧徒  
數千啓首至地隱隱梵音

玉辟邪



肅宗賜李輔國香玉辟邪二香聞數百步一日辟邪忽一大笑  
一悲號輔國碎之如粉擲廁中嘗聞窺痛之聲未幾輔國死嬖奴  
知異物隱屑二合魚朝恩以錢三十萬買之朝恩將誅化為白  
蝶飛去

### 芸輝堂

元載造芸輝堂芸輝香草也出于闐國其白如玉入土不朽為  
屑以塗壁又設懸黎屏風紫綃帳屏風楊國忠之寶上刻美女  
伎藥以玳瑁水犀為押絡以珍珠紫絡帳疑冬風不入盛暑自  
清涼

### 瑤英啗香

元載寵姬薛瑤英幼啗香故肌香載處以金絲却塵褥衣龍絹  
衣一襲无一兩搏之不盈一幄程姬体輕故東此服賈至贈詩  
曰舞却銖衣重笑疑桃臉開方知漢武帝虛築避風臺

### 瑞鞭

德宗時中常進瑞鞭暗中揮之如電上二幸有二馬一號裊智  
駿一號如意騮上吟詩鴛鴦赭白蔭新齊晚日花間落碧蹄玉  
鞭勒乍回面初潰沫金鞭欲下不成嘶中書舍人韓雄詩也

### 盧眉娘



順宗時南海貢奇女盧眉娘能於一赤絹上繡法華經字如粟米又作飛仙蓋以繡一縷爲蓋五重中有十洲三島日食胡麻飯三合憲宗賜金鳳環束其腕放歸南海人往但見乘紫雲游海上

### 鳳芝龍朮

元和中給事張惟則自新羅使西海上見花木臺殿有數公子著紫霞衣曰唐帝吾友也授金龜印致皇帝篆中鳳芝龍朮受命無疆惟則具以事進是月寢殿前連理樹生二靈芝宛龍鳳上曰鳳芝龍朮此其驗乎

### 靈草龍虎玉

憲宗好裊仙有處士伊祁玄解上每加敬曰先生春秋旣高顏色不老何也玄解曰海上種靈草食之因種於殿前一曰雙麟芝二曰六合葵三曰萬根藤上餌之裊驗時西域進方員二美玉玄解曰此龍虎玉也圓生於水龍室之方生於山虎室之詢使人果得之渙獵者

### 金玉蛺蝶

穆宗禁中千葉牡丹開夜有黃白蛺蝶萬數飛集花間宮人以羅中撲之無有獲者上令張網空中得數百暹明視之皆金玉



也內人爭用絳縷絆其脚爲首飾

玳瑁盆

寶曆初南昌國進玳瑁盆浮光表夜明犀

金蛇

開城初宮中有黃蛇夜自寶庫中出上令搜庫中得黃金蛇上  
曰隋煬帝以黃金蛇贈陳夫人左右因賭領下有廢字阿廢煬  
帝小字也上命取頰黎擊玉甌之前足後不復見以甌能啗蛇  
也

蛤蚧中菩薩

文帝好食蛤蚧中有擘破不裂者者上焚香祝之俄傾自開中有  
二人螺髻嬰珞身履齒齒謂之菩薩上置之金粟檀香合賜興  
善寺令致敬

鳶蜂窠

德宗時吳明國貢鳶蜂其蜂聲如鳶鳳身被五色大者重十餘  
斤其色碧貯白玉椀如碧琉璃食之長壽

火玉松風石

武宗時夫餘國貢火玉置之室內不復挾纊又貢松風石方一  
丈中有古松盛夏颯颯涼飈生於其間



滄州

隋處士元藏幾為海使判官遇風舡壞破木載至洲島人曰此乃滄州去國數萬里洲方千里花木常如三二月人多不死產分蒂瓜長二尺碧棗丹粟皆大和梨池中有四足魚金蓮花婦人採為首飾田曰不戴金蓮花不得在仙家藏幾忽思中國洲人製凌風舡送之激水如箭旬日達東萊問其國乃唐自大業至貞元二百年矣

神袖金遺醫

宣宗後宮有疾召醫醫平愈上袖金數兩遺之曰勿使內官知

言出於外又使諫官上疏也

菩薩蠻

大中初女蠻國進雙龍犀明霞錦其國人危髻金冠嬰珞被體謂之菩薩蠻遂製此曲

鮮兩征碁勢

日本國王子來朝與待詔顧師言圍碁至三十三下謂之鎮神頭乃是鮮兩鎮勢北夢瑣言載此段亦詳

軒轅集

羅浮先生軒轅集年過數百顏色不老髮垂至地目光長有數



有嘉堂  
夫宣宗因語京師無萱蔻花并兩荔枝俄傾二花皆連枝葉各數百上問朕得幾年天子即書四十年但十字挑脚上晏駕乃十四年也

同昌公主出降

感通中同昌公主出降以金銀為井欄鏤金為箴籬製水晶琉璃等牀稽以金龜銀鰲又有金麥銀米數斛太宗朝條枝國所獻堂中設連珠寒簾犀簟牙席龍鳳褥鸚鵡翠匣袖絲綉被燭怒忿犀如意玉又有紋布巾拭水不濡火蚕出炎洲絮衣一襲用一兩過度則熇不可衣九玉釵上刻九鸞皆五色上有字曰

玉兒一日夢人云南齊潘淑妃取九鸞釵三夢釵亦亡去

紅蜜白猿脂

同昌公主疾甚醫者云紅蜜白猿脂食之可愈內庫得紅蜜數石本覓離國所貢白猿脂數瓮本南海所獻

歎百年曲隊

宣宗悲想同昌公主李可及進歎百年曲教數千人作歎百年隊官絕八百疋作魚龍波浪為地衣每一舞珠翠滿地上誕日宮中結綵為寺賜升朝官以下錦袍可及又作菩薩蛮隊

煉頂



宣宗召逆佛骨僧以艾覆頂上謂之煉頂艾發痛作坊市少年  
擒之不令動搖號呼道士見者哄哂

佛骨

佛骨入內道場設金花帳溫清牀龍鱗席鳳毛褥焚玉髓之香  
薦瓊膏之乳坊市聚僧徒設佛像吹螺擊鈸又令小兒玉帶金  
額白脚呵唱其間恣為嬉戲

齊民要術

史記曰齊人無蓋藏注曰齊無貴賤故曰齊人若古今言平人也  
勝貧勝禍

古語曰力能勝貧謹能勝禍蓋勤力可以不貧謹身可以避禍

饑寒所急

陳思王曰寒者不貪尺玉而思短褐飢者不願千金而美一食  
物時有所急也

速富

猗頓魯窮士聞陶朱公富問術焉曰欲速富畜犍

營田

凡人家營田須量已力可少好不可多惡

鋤頭三寸澤



鋤耨以時諺曰鋤頭三寸澤是也古人云耕鋤不以水旱息功必獲豐年之收如去城郭近多種瓜菜茄子苜且得供家有餘出賣

黃帝問

黃帝問師曠曰吾欲苦藥善心可知不對曰

草先生薺是也歲欲苦苦草先生亭歷是也歲欲雨雨草先生藹是也歲欲旱旱草先生蒺藜是也歲欲流流草先生蓬是也歲欲病病草先生艾是也

古語曰白背勞

凡耕高下田不問春秋必須燥溫得所為佳若水旱不調寧燥不溫春耕尋手勞秋耕待白背勞故古曰復今日勞春既多風若不尋勞地必虛燥秋田溫勞令地硬諺曰耕而不勞不如作暴言澤難遇喜天時也

早晚田

凡田欲早晚相雜有閏之歲節氣近後宜晚田大率欲早早田俗多於晚田生如馬耳則鍤鋤稀豁處鋤而補之凡五穀唯小鋤為良

全收中收下收



凡五穀大判上旬種者全收中旬中收下旬下收

種五穀日

凡種五穀以生長壯日種者多實老惡死日種者收薄以忌日種者敗傷又用成敗滿平定日為佳小豆忌卯稻麻忌辰未忌丙忝忌丑秣忌寅未小麥忌戌大麥忌子大豆忌申凡九穀不避忌日種之則多傷敗

辟疫

龍魚河苗曰歲暮夕五更取二七豆麥子家人髮少許同著井中咒勅井使其家竟年不遭傷寒辟五方疫鬼

種瓠

五月可種瓠六月可瓠畜八月可瓠斷瓠中白膚實以養猪致肥其辦則作燭致明

種芋

種芋根欲深斫其旁以綬其土旱則澆之有草鋤之治芋如此其收常倍可以救飢饉度凶年

種姜

種姜宜白沙地少與糞和熟耕如麻地不厭熟縱橫七遍尤善

椒酒

石有嘉堂



崔寔月令曰正旦各上椒酒於其家長稱觴舉壽欣欣如也

對妻曰占五穀

師曠占五穀云粟米以秋得本貴在來夏以冬得本貴在此秋收此穀遠近之期也早晚以其差之粟米春夏貴云秋冬什七到夏復貴秋冬什九者是陽道之極也急糶之忽留

牛馬貴賤

黃帝問師曠曰欲知牛馬貴賤秋葵下有小葵生

養蚕法

養蚕法收取種繭必取屈簇中者近上則絲薄近則子不生

栽樹

允栽樹記其陰陽不令轉易大樹髡之小則不髡深坑內樹以沃土令如薄泥東西南北種之良久然後堅築時時溉灌埋之欲深栽訖不得用手投及六畜舐突淮南子曰移樹失其陰陽之性則莫枯稿

非時難立功

文子曰冬水可折夏木可結時難得而易失方盛終日採之而復生秋風夏霜一夕而零非時者功難立

正旦柳枝



正月旦取楊柳枝着戶上百鬼不入家

足柴

陶朱公曰種柳千樹則足柴十年以髡一樹得一載歲髡二百樹五年一周

種竹

宜高平地黃白軟土為良正月二月內斲取西南引根莖芟去葉於園內東北角種之令坑深三尺覆土厚五寸麥糠糞之不用水洗勿令六畜入園二月食淡竹筍四五月食苦竹筍蒸煮魚酢任人所好其欲作器者經年乃堪殺

量牛馬力

服牛乘馬量其力能寒溫飲飼地其天性如不肥息者未之有也

相馬法

相馬之法先除三羸五駑乃相其餘大頭小頭一羸弱脊大腹二羸小頭大蹄三羸大頭緩耳一駑長頭不折二駑短上長下三駑大骼枯價切短脇四駑淺髀薄髀五駑

養羊

養羊常留臘月正月生羔種者上十一月二月生者次之牧羊唯



遠水為二日一飲緩駢竹勿停息春夏早放秋冬晚出養羊法以  
瓦器盛鹽置羊欄中羊喜鹽自數還啖之不勞人物羊有一食  
之授人

養猪

養母猪取短喙無柔毛者良乳養子母不同圈扎者同圈則無  
嫌圈不厭不處不厭穢

養雞

養雞種取桑落時生者良春夏生者則不佳  
小兒不可食雞

養生論曰雞肉不可令小兒食食之令生疝虫又令体消瘦

養魚經

陶朱公養魚經曰威公聘公問曰公在湖為魚父在齊為鳩夷  
子皮在西戎為赤精子在越為范蠡有之乎又曰公家累億金  
何術乎曰治之生法有五水第一魚池是也池中有九洲求鯉  
魚以二月上庚日內池中令水無聲魚必生四月內一神守六  
月二神守八月三神守神守者鱉也所以內鱉者五方三百六  
十則蛟龍為水長而將魚飛去有鱉則魚不去在池中周九州  
無窮自謂江湖也養鯉者鯉不相食易長又貴也



有嘉堂

種蓮

種藕生蓮花法春初掘藕根節着魚池中既生蓮花必蓮子也

魚以二月五日取白肉中今水無草魚必生也

魚以二月五日取白肉中今水無草魚必生也

魚以二月五日取白肉中今水無草魚必生也

魚以二月五日取白肉中今水無草魚必生也

魚以二月五日取白肉中今水無草魚必生也

魚以二月五日取白肉中今水無草魚必生也

魚以二月五日取白肉中今水無草魚必生也

類說卷第三十八





程